

Ministri blong Edukesen

“Trening long ol Stret Fasin blong Wok” blong ol Tija long Eli Jaelhud.

Wan profesen we i soem se yu kea



13

Trening long o stret fasin blong wok

Ol samting blong tingabaot long trening

Ol step ia i impoten blong folem taem yu stap ranem woksop o trening ia..

- **Bifo yu mekem wan woksop:**
 - Yu mas save risen mo stamba tingting blong woksop ia.
 - Yu mas okenaesem mo planem gud wosop ia. Mekem sam risej fastaem long stamba tingting mo wanem bai I tekem ples long woksop ia.

- **Long taem blong woksop:**
 - Long everi sesen stik oltaem long tingting blong woksop ia no jumjum olbaot.
 - Mekem sam jenj blong mitim ol difren nid blong ol patisipen.
 - Developem sam aedia blong mekem se ol patisipen i save andastan gud.
 - Long en blong woksop ol patisipen i mas kasem wanem oli kam from.
 - Faenem aot sipos ol patisipen i kasem wanem yu wantem ol blong lanem.

- **Afta long wokop:**
 - Faenemaot sipos ol patisipen I kasem ol stamba tingting blong woksop.
 - Folemap wetem supafaesa long saed blong Setifiket blong ol tija wei i kasem trening ia.
 - Taem yu stap priperem woksop ia askem yu wan mo tingting se yu wanem kaen trena?

¹ Wan Inclusive Trena	Wan Authoritarian Trena
I TING nomo se ol patisipen i kat ol gudfala skil mo experiens blong serem.	MEKEM disisen hem wan
I SAVE hao nao blong mekem wan gudfala envaeromen we bae enkarejem patisipesen, sering mo i save gro.	SAVE wanem blong mekem
ASKEM mo folem tingting blong ol narafala man.	LUKAOTEM stret ansa hem wan nomo, no askem

¹ *Building Community Toolkit. Innovation Center for Community and Youth Development/Tides Center, 2001*

	tingting blong ol narafala man.
DEPEND long disisen blong grup.	DEPEND nomo long wanem hem i save mekem

Ministri blong Edukesen i stap enkarejem wan inclusive stael blong lidasip long everi woksop blong hem.
Tebol ia i no minim se oltaem bai stael blong lidasip ia i mo gud bitim narawan.

Aktifiti Wan (1):

Taem: 30 minit

Risos blong kat: Kopi blong STRET FASIN BLONG WOK, Posta Pepa mo sam Majik maka.

Namba wan step: Divaedem ol patisipen long ol krup mo askem wan long olgeta blong volontia blong ripot bak ol tingting blong krup.

Namba tu step: Askem ol krup blong tingabaot ol kwestin ia:

1. Wanem nao ol standad o stret fasin blong wok?
2. From wanem nao i impoten blong kat wan standad i stap?

Askem rikoda blong raetem daon ol poen long posta pepa afta everiwan i agri long ol ansa. Askem ol rikoda blong ripot kam bak long everi wan mo askem sipos eni wan i kat sam mo tingting blong givim o sipos i kat sam kwestin long wanem ol i bin tokabaot.

Aktifiti Tu (2):

Taem: 45 minit

Divaedem ol patisipen i ko long tri (3) krup mo kivim wan krup blong lukluk long Risponsibiliti blong yumi long ol Pikinini, krup tu Risponsibiliti blong wan Profesonal Tija mo krup tri Risponsibiliti i ko long olgeta Perens, Komuniti memba mo Sosaeti.

Askem everi krup blong lukluk bak long topik blong olgeta mo oli save putum sam mo tingting we oli tink i sud stap long seksen ia o oli save soem ples we oli wantem mekem sam jenj long hem. Plis raetem daon ol jenj ia mo tu oli mas talem from wanem oli wantem mekem ol jenj ia.

Askem wan volontia long wanwan krup blong prisentem ol tingting blong krup long everiwan.

Aktiviti Tri (3):

Wan Haoa:

Divaedem ol patisipen i ko long tri krup (difren krup bagegen) mo long wanwan krup ia givim tu (2) case stadi blong oli ridim mo givim tingting long hem.

ASKem olgeta blong kivim fidbak long wanwan topik.

Case Stadi Wan (1):

Plante taem komiti blong kindi i no stap kam long ol miting, mo tu i no stap kat plante miting tu. Olsem Kindi Tija yu wantem blong luk se komiti ia i stap mit plante mo taem mo sapotem yu long ol narafala wei tu, i no long fanresing o klinim yad nomo.

Wanem nao bai yu save mekem blong mekem se oli mit plante mo taem mo tu blong mekem sua se Jeaman blong komiti ia i stap long miting? Hao nao bai yu save mekem se oli save sapotem gud Eli Jaelhud ?

Case Stadi Tu (2):

Harrison i wan pikinini we i kat spesel nid mo hem i stap kam long kindi. Hem i stap mekem gud wok long kindi mo hem i bin stap glat tumas blong kam long kindi. Be tu manis nao hem i no bin kam long kindi mo yu no save from wanem. Yu ko luk perens blong hem mo oli talem se oli no kat mane blong pem skul blong hem mo tu from hem i no save lan gud oli stap westem mane nomo. Bai yu talem wanem long olgeta blong mekem oli sendem Harrison i kam long kindi? Hao nao bai yu explenem long olgeta se hem i stap lan mo hem i laekem skul?

Case Stadi Tri (3):

Olsem wan kindi tija saleri blong yu i smol nomo be yu interes tumas blong lan mo ko long sam mo trening. Bai yu mekem wanem blong leftimap save o skil blong yu? Bai yu save toktok long hu? I kat sam wei i stap we bai yu no pem mane blong yu save lan o leftimap skil blong yu?

Case Stadi Fo (4):

Oli talem long yu se wan praemeri skul tija i stap talem se yu stap kam let long wok mo yu no stap mekem gud wok blong yu. Yu harem nogud long toktok ia. Bai yu save mekem wanem blong mekem tija ia i jensim tingting blong hem long fasin mo wok blong yu. Hao nao bai yu save ko toktok long tija ia long wan profesonal wei?

Toktok we tija ia i talem i stret o i no stret? Sipos yes bai yu mekem olsem wanem blong jenjsim fasin blong yu? Taem yu ko let long skul i save afektem ol pikinini long kindi o no? Yu stap priperem ol aktiviti blong yu?

Case Stadi Faef (5)

Wan pikinini long kindi blong yu i kwaet tumas. I luk olsem hemi wantem slip oltaem mo hemi hankri tu. Wan dei yu faenem se hemi kat sam mak long han blong hem. Taem yu askem sipos hemi oraet hemi stat blong krae. Nekis wik yu luk ol mak ia bagegen long han blong hem, mo hemi mekem tumas noes long klas. mo i luk olsem hemi kros tumas. Bai yu mekem wanem? Bai yu toktok wetem hu? Taem yu stap tingabaot hao nao bai yu helpem pikinini ia yu mas tingabaot konfidentsol mo jael proteksen tu.

Case Stadi Sikis (6)

Yu no kat plante materiol mo risos long Kindi blong yu mo samtaem yu mas mekem ol samting blong usum be i stap lus o samtaem i brok. Wanem sam difren kaen aktifiti we yu save mekem wetem ol pikinini we i no nidim tumas samting? Yu kat wanem kaen materiol we yu save yusum blong mekem ol samting wetem? I kat sam narafala wei blong save kasem sam mo risos blong kindi blong yu?

Yu tink se i gud blong ko stret long ol perens mo askem materiol long olgeta? Yu tink i gud blong ko askem help long ol bisnes haos? Wanem nao bai yu save mekem blong sapotem tijing blong yu?

Aktiviti Fo

40 minit

Askem everi patisipen blong oli fulumap asesmen fom we oli givimaot. Afta taem oli finis askem olgeta blong serem wan o tu samting abaot asesmen ia we oli tink i impoten.

Asesment tul: Hemia i wan tul we yu save usum blong faenemaot wanem ol strong poen blong yu mo ol eria we yu nid blong jenj o mekem i kam mo gud.


Usum sta long ples we yu tink yu mekem gud long hem!



Usum wan smiling fes long ples we yu tink yu save mekem i gud mo!



Usum wan aro we i poen daon long ples we yu no mekem gud long hem!



Asesmen Tul (mekem kopi blong everi patisipen)

Olsem wan Kindi Tija mi:

- Mekem ol kaen aktifiti we bai i developem pikinini long saed blong fisikal, emosenol, mentol, mo sosel.
- Mekem kontak oltaem wetem ol perens o man we i lukaotem pikinini tru long ol miting mo ol konfrens.
- Kipim rikod long prokres blong wanwan pikinini. Kivim sam aedia long ol perens long wanem kaen aktifiti oli save mekem long haos wetem ol pikinini.
- Givim Janis long pikinini blong lan tru long pleple.
- Enkarejem developmen blong lanwis tru riding, talem stori, aktemaot drama mo music.
- Impruvum sosel skil tru long storian mo aktifiti we ol pikinini i wok o pleple tugeta
- Introdus saens mo maths tru long ol aktifiti we ol pikinini i bildim mo kaontem ol samtng.
- Enkarejem pikinini blong developem krietif talent blong hem tru ol aktifiti olsem art, danis, mo musik
- Planem mo developem ol aktifiti blong wan dei. Mekem sua se pikinini i kat janis blong pleple long grup mo hem wan, mo mekem pleple we i aktif mo i kwaet.
- Watjem gud ol pikinini blong luk save taem pikinini i kat problem olsem long siknes, o filing blong hem.
- Toktok wetem ol perens mo ol bos taem yu ting i kat sam problem.
- Mekem sua se oltaem pikinini i sef insaed mo aotsaed long kindi.
- Invaetem ol perens, ol Jif mo memba blong komuniti blong save kam blong serem ol save, ol stori mo kastom long ol pikinini.
- Tijim pikinini abaot wasem han mo ol gudfala fasin long saed blong kaekae.
- Pleple aotsaed wetem ol pikinini mo joenem olgeta long ol gem blong developem ol bikfala masel blong olgeta.

Olsem wan Kindi Tija mi:

- Tingting mo mas be krietif.
- Mas kat wan gudfala relebensip
- Kea long ol narafala man/pikinini
- Tijim ol narafala man
- Mekem ol disisen mo solfem ol problem
- Komuniket wetem ol bos mo ol fren tija
- Faenem infomesen blong mekem wok
- Okenaes, plan, mo save wanem ol wok blong mekem fastaem, depend long wanem i impoten.
- Trenem ol narafala
- Watjem gud ol samting, ol materiol mo wanem i stap long envaeromen.
- Apdetem mo usum wanem yu bin save finis
- Priperem ol aktifiti blong joenem ol plan blong dei
- Arenjem ol wok mo ol aktifiti
- Developem ol gol mo ol rod /fasin blong wok
- Toktok blong stretem eni raorao wetem ol narafala man
- Developem mo bildim wan strong tim wok
- Wok wetem ol perens, komuniti mo sosaeti

Olsem wan Kindi Tija:

- Mi stap toktok gud wetem ol narafala man. Mi kat taem blong wok/storian wetem ol pikinini mo ol perens.
- Mi save sotemaot eni problem.
- Mi risponsibol long helt mo sefti blong ol pikinini.
- Samtaem mi stap fesem ol pikinini o perens we oli kros o oli stap sakem ol strong toktok long mi.
- Samtaem mi risponsibol long ol wok aotkam mo ol risol blong wok blong ol narafala wokman olsem ol asisten tija.
- Mi stap triam blong ko luk ol tija blong klas 1 mo 2 everi tem.
- Mi stap kat Open Dei mo soem ol wok blong ol pikinini.
- Mi triam blong stap toktok wetem ol wok fren, ol perens mo ol pikinini oltaem.

Olsem wan Kindi tija:

- Mi stap wok insaed mo aotsead blong lukaotem ol aktifiti blong ol pikinini.
- Mi triam blong mekem se klasrum blong mi i klin mo ol ting i stap gud, i kat klin mat mo wok blong ol pikinini i stap blong man i save luk.
- Mi mekem sua se i kat inaf laet i kam insaed, ol windo i open blong fres win i kam mo mi kipim stoarum i klin.
- Mi spel inaf mo mi lukaot gud long mi blong mi stap helti oltaem.

Olsem wan Kindi Tija:

- Mi redi gud long ol materiol blong mi tij wetem.
- Taem mi kat problem o mi nidim sapot mi save ko toktok wetem sam man.
- Mi stap putum ol pikinini i pleple long krup mo tu mi stap letem oli pleple olgeta nomo.

- Everi manis mi stap setem ol gol blong wanem mi wantem ajivim, mo mi mekem ol aktifiti folem ol gol ia.
- Mi mas mitim ol ded laen long everi manis.
- Mi stap kam wok long taem mo mi no stap mestem wok sipos mi no sik, o sipos i kat wan emejensi, bai mi mas talemaot long komuniti kwik taem.
- Mi usum venakula lanwis taem mi stap tij.
- Mi triam luk save ol problem we wanwan pikinini i kat olsem bae mi save sapotem olgeta kwik taem.

Olsem wan Kindi Tija:

Mi sud selebret se mi:

Mi sud triam mekem mo gud long:

Mi sud lanem blong:

Las fala aktifit:

Givim maka, pepa, kreon, stik, sid, glu, magasin, mo ol niuspepa long ol tija mo askem olgeta blong mekem wan “collage” blong soem hao nao oli ” luk olgeta olsem tija blong ol smolsmol pikinini.”

Afta askem olgeta blong soem collage blong olgeta long krup.

Talem tankiu long everi wan (wanwan man o olgeta we ikam long krup) from we ol i stap mo soem se ol i impoten tumas long trening ia.

Seksen ia i blong olgeta we i mekem trening.

Mi bin mekem gud tumas long:

Mi mas jensem wei we mi bin:

Mi no bin mekem gud tumas long:

Long nekis trening blong mi mi mas:

Usum asesmen fom ia blong helpem yu blong developem planing skil blong yu taem yu stap mekem ol woksop.

Provinsol Kodineta o Ki Tija: _____ **Det:** _____

Nem blong Woksop:

Bifo Woksop i stat:				
Ol Stamba poen blong komen long hem:	Pua	Oraet	Gud	Namba wan
Planem gud ol sesen long woksop				
Sendem ol kopi blong agenda blong woksop mo ol sesen i ko long Maneja long gud taem.				
Trena i luksave mo tokabaot wetem Maneja mo ol fren ol eria we i nidim impruvmen.				
Mekem risej long ol stret fasin blong wok blong save mo abaot topic ia.				
Priperem sam mo extra risos we i kat nid, eksampol long ol stret fasin blong wok.				
Adfetaesem mo kivimaot ol stret infomesen.				
Mekem sua se oli jusum everi tija.				
Kivim inaf taem long tija taem yu invaetem olgeta blong kam long woksop.				
Jusum stret ples blong holem woksop (saes, fasiliti, hamas blong pem etc)				
Okenaesem rifresmen mo kaekae				
Priperem fastaem ol samting blong usum mo ol pepa blong givimaot.				
Priperem fastaem eni ekwipmen blong usum.				
Priperem fastaem olgeta fom we bae ofis i wantem eksampol fom blong evaluesen, lis blong olgeta patisipen i saen blong talem se oli stap long woksop.				
Afta long Woksop:				

Tekem not long everi sesen				
Givim ol stret fidbak long olgeta we i helpem yu blong tekem sam sesen				
Maneja i kivim fidbak long yu long wanem hem i bin luk?				
Maneja i bin raetem wan ripot long wanem hem i bin luk?				
Taem woksop i finis yu bin raetem wan ripot long wanem aotkam blong woksop ia?				